

Ministarstvo obrazovanja/naobrazbe i nauke/znanosti Tuzlanskog kantona, u saradnji s Pedagoškim zavodom Tuzlanskog kantona Tuzla i Odsjekom za bosanski jezik i književnost Filozofskog fakulteta Univerziteta u Tuzli raspisuje

LITERARNI KONKURS
„Moje omiljeno djelo iz književnosti Bosne i Hercegovine“
za učenike osnovnih i srednjih škola

Ministarstvo obrazovanja/naobrazbe i nauke/znanosti Tuzlanskog kantona, u saradnji s Pedagoškim zavodom Tuzlanskog kantona Tuzla i Odsjekom za bosanski jezik i književnost Filozofskog fakulteta Univerziteta u Tuzli, objavljuje literarni konkurs "**Moje omiljeno djelo iz književnosti Bosne i Hercegovine**" za učenike osnovnih i srednjih škola Tuzlanskog kantona.

Konkurs se organizira povodom obilježavanja Dana maternjeg jezika (21. februara 2024. godine). Učenici mogu odabrati bilo koje djelo iz književnosti Bosne i Hercegovine: roman, pripovijetku, bajku, pjesmu, djela iz usmene književnosti. Cilj je potaknuti učenike osnovnih i srednjih škola na njegovanje i čitanje djela bosanskohercegovačke književnosti, a time i razvijati svijest o važnosti maternjeg jezika na kojem su djela pisana. Također, bogata književna tradicija Bosne i Hercegovine samo je još jedna potvrda da je naša zemlja oduvijek imala svoj jezički identitet.

1.Pravo učešća na literarnom konkursu imaju učenici osnovnih i srednjih škola Tuzlanskog kantona u odvojenim kategorijama:

a) učenici osnovnih i

b) učenici srednjih škola

2.Literarni rad u formi ESEJA mora biti napisan prema pravilima pisanja teksta u Word-u. (nelektorisani i neblagovremeno pristigli radovi neće se razmatrati.)

3.Svaka škola dostavlja po jedan (1) najbolji rad.

Procedura konkursa:

-Za kategoriju učenika osnovnih škola, osnovna škola odabrat će i poslati najbolje ocijenjeni rad. Dakle, iz svake osnovne škole bit će dostavljen ukupno jedan (najuspješniji) esej;

-Za kategoriju učenika srednjih škola, škola će odabrati i poslati najbolje ocijenjeni rad. Dakle, iz svake srednje škole bit će dostavljen ukupno jedan (najuspješniji) esej;

- Uz najuspješniji rad, škole su dužne dostaviti izvještaj o održanom školskom takmičenju sa pregledom svih radova;

-Najuspješniji literarni rad iz škole treba da sadrži: ime i prezime učenika/učenice, razred, naziv škole i ime nastavnika/nastavnice, koji su mentori učenika/učenice;

-Odabir najboljih pristiglih radova (po tri prvoplasirana rada u obje kategorije) izvršit će Komisija koju je imenovalo Ministarstvo obrazovanja i nauke Tuzlanskog kantona.

-Rezultati literarnog konkursa bit će objavljeni na web stranici Ministarstva obrazovanja i nauke Tuzlanskog kantona, a najbolja tri rada iz obje konkurencije biće nagrađeni povodom obilježavanja Dana maternjeg jezika.

Pozivamo sve nastavnike/mentore da animiraju učenike za učešće. Stručni aktivni nastavnici iz škole na predmetu Bosanski, hrvatski i srpski jezik i književnosti izvršiti će selekciju radova i najbolji rad dostaviti na mail: literarni.konkurs@montk.gov.ba, najkasnije do 3.februara 2024. godine. Neblagovremene prijave neće se razmatrati.



